

全五代詩

全史詩

全五代詩卷七十五

羅江李調元雨村 編

閩

四主王繼鵬

四主姓王氏諱繼鵬更名昶前主審知之孫

弒其父延鈞而自立爲連重遇所弒金鳳外傳

后李氏本惠宗宮人名春鷺一云李傲之妹

有色惠宗爲春鷺造東華宮以珊瑚爲棧榆

琉璃爲櫺瓦檀栨爲梁棟真珠爲簾幙範金

爲柱礎康宗蒸焉惠宗已病康宗因陳氏以

求春鷺惠宗怏怏與之康宗嗣位立爲賢妃

行則同輿坐則同席及通文改元復立爲皇

后遊幸之所土木之盛逾于東華連重遇之

亂康宗同后出北關至梧桐嶺爲皇從子繼

業所殺時通文四年七月十三日也清異錄通文四年三月宴後苑飛紅滿空帝曰彌陀經云兩天曼陀羅華此景近似今日觀化工之雨天三昧宜召六宮開三昧宴十國春秋梁國夫人李敏女春鸞被寵不見荅內宣徽院使葉翹諫曰夫人先帝之甥也陛下聘以禮柰何因新愛而棄之如遺乎康宗不從未幾翹復上書言事康宗遂署其楮尾云

批葉翹諫書紙尾

春色曾看紫陌頭
亂紅飛盡不禁愁
人情自厭芳華歇
一葉隨風落御溝

開國伯王延彬

延彬閩王審知弟武肅王審邽之子官平虜

節度使知泉州軍事加太尉封開國伯

五代史延

彬再任泉州前後歷二十六年吏民安之每

發蠻舶無失墜者時人謂之招寶侍郎卒葬

雲臺山閩人亦謂之雲臺侍中五國故事

延彬曰亭午方起雅能詩辭人禪客謁見多

爲所屈宅中聲妓多北人將求妓必圖已形

而書其歌詩於圖側以是冀其見慕也十國

春秋延彬刺泉州時徐寅每同遊賞及陳郊

倪曙等賦詩酣酒爲樂凡十餘年常被病求

藥物於延彬延彬答書善自調護亦可自開

壽三皇五帝不死何歸蓋舉寅人生幾何賦

以戲之也寅賦云七十戰爭如虎豹竟到烏

江三千賓客若駕鴻難尋珠履又云南陵公

子綠鬢改而華髮生北里豪家昨日歌而今

日哭又云常聞蕭史王喬長生孰見任是三

皇五帝不死何歸故徐寅卒延彬哭之詩云

延壽溪頭歎逝波古今人事半銷磨昔除正

也字今何在所謂人生能幾何延壽溪寅所居

五言 卷一 五
二
璘韓偓歸傳懿楊贊圖鄭戩等皆避亂入閩
依審邽審邽振賦以財遣延士作招賢館禮
焉後封
開國伯

春日寓感

兩衙前後訟堂清
軟錦披袍擁鼻行
雨後綠苔侵履迹
春深紅杏鎖鶯聲
因攜久醖松醪酒
自煮新抽竹筍羹
也解爲詩也爲政
儂家何似謝宣城

王繼勳

繼勳武肅王審邽之孫
延美之子連重遇亂
泉州軍將留從效擁立爲刺史
後執送南唐

贈和龍妙空禪師

白面山南靈慶院茅齋道者雪峰禪只棲雲樹兩三
畝不下煙蘿四五年猿鳥認聲呼喚易龍神降伏住
持堅誰知今日秋江畔獨步醫王闡法筵

韓偓

偓字致光京兆萬年人唐龍紀元年擢進士
第累遷諫議大夫翰林學士中書舍人劉季
述之變佐崔胤反正爲功臣隨幸岐下遷兵
部侍郎進承旨還京昭宗欲相之辭朱全忠
貶爲濮州司馬再貶榮懿尉徙鄧州司馬昭
帝遇弒哀帝復召爲學士不赴挈族南依王

審知僑居南安龍興寺自號玉山樵人所著

有內廷集金鑾別紀

全唐詩話僊十歲能詩嘗即席爲詩送父友李

商隱一坐盡驚商隱贈韓冬郎詩有十歲裁詩走馬成及雛鳳清於老鳳聲之句冬郎僊

小字父瞻開成中商隱同年也 撫言僊天復初入翰林其年冬車駕出幸鳳府僊有扈

從之功反正初上面許僊爲相奏云陛下運契中興當復用重德鎮風俗臣座主右僕射

趙崇可以副陛下是 乞迴臣之命授崇天

下幸甚上嘉嘆翌日制用崇暨兵部侍郎王贊爲相時梁太祖在京素聞崇之輕佻贊復

有嫌隙馳入請見於上前具言二公長短上曰趙崇是僊薦時僊在側梁主叱之僊奏曰

臣不敢與大臣爭上曰韓僊出尋謫官入閩故僊詩有謀身拙爲安蛇足報國危曾持虎

鬚之句 李忠定公梁溪集僊嘗到沙陽寓居天王院與老僧蘊明善以詩贈之至後唐時邑令章僚爲之記叙僊始末甚詳且述唐

未亂離之事頗與唐史合予至沙陽聞之竊
願一觀而其碑因寺中廢爲有力者取去祕
不示人久之始得見其副本感而賦之且錄
偃詩卷中傳諸好事者云又偶訪明公大德
贈長句四韻前翰林學士承旨戶部侍郎知
制誥韓偓上寸髮如霜袒右肩倚筇竹貌
怡然懸燈深屋夜分坐移榻向陽齋後眠刮
膜且揚三毒論攝心徐指二宗禪清涼藥分
誰知味各自曾中有醴泉又詞臣謫去墮天
南詩墨從來榜寺簷好事不須收拾去世閒
遺集有香奩韻語陽秋偓香奩集百篇皆
豔詞也沈存中筆談云乃和凝所作凝後貴
悔其少作故嫁名於韓偓耳今香奩集有無
題詩序云余辛酉年戲作無題詩十四韻故
奉常王公內翰吳舍人令狐渙相公屬和是
歲十月一旦兵起隨駕西狩文稿咸棄丙寅
歲在福建有蘇曄以稿見授得無題詩因追
咏舊詩闕忘甚多予按唐書辛酉乃昭宗天
復元年丙寅乃哀帝天祐二年其序所謂丙
寅歲在福建有蘇曄授其稿則正依王審知

時也稽之于傳與序無一不合者則集爲僱
作無疑筆談嫁名之說特未考其詳耳迂
叟詩話北都使宅舊有過馬廳僱詩云外使
進鷹初得按中官過馬不教嘶注云上乘馬
必中官馭以進謂之過馬既乘之然後蹀躞
嘶鳴蓋唐時方鎮亦效之因而名廳也復
齋漫錄僱以翰林承旨謫嶺表道湖南謝人
惠含桃詩云金鑾歲歲長宣賜忍淚看天憶
帝都自注云每歲貢進之後先宣賜學士
宣和書譜僱歌詩頗多其間綺麗得意者膾
炙人口或樂工配入聲律粉牆椒壁竊咏者
不可勝計行書亦可喜題懷素草書詩云怪
石奔秋澗寒藤挂古松若教臨水畔字字恐
成龍非潛心字學作語不能逮此西清詩
話僱詩鷺兒啞啞梔黃背鳳子輕盈賦粉腰
事見崔豹古今注云蛺蝶大者爲鳳子捫蝨
新話子美云魚吹細浪搖歌扇李洞云魚搖
清影上簾櫳僱云池面魚吹柳絮行此三句
皆言魚戲而韓爲優許彥周詩話高秀寔
言元微之詩豔麗而有骨韓僱香奩集麗而

無骨時李端叔意喜韓詩誦其序云咀五色
之靈芝香生九竅咽三危之瑞露美動七情
秀寔云勸不得也勸不得也南唐近事倕
捐館日有一篋緘鏤甚密家人發觀之中惟
燒殘龍鳳燭百餘條蠟淚尚新蓋在翰院日
昭宗召對金鑾深夜宮妓秉燭以送倕悉藏
之識不忘也西溪叢話香奩集云後魏時
相州人作李波小妹歌疑其未備因補之李
波小妹字雍容云云倕所補似言閨房之意
大非其寔北史廣平人李波宗族彊盛殘掠
不已百姓語云李波小妹字雍容褰裙逐馬
如卷蓬左射右射必疊雙婦女尚如此男子
安可逢李安世設方畧誘殺之州內肅然
野客叢書松江詩話曰有松棚詩一聯云採
來猶帶烟霞氣月明滿地金釵細以爲佳句
恨不見全篇僕謂月照松影但見參差黑影
耳安知其爲金釵松葉比之金釵者謂架上
月照映則不可謂地上之影也不如日月
明滿架金釵細此語爲得前輩謂韓退之聯
句中竹影金鎖碎之語所謂金鎖碎者非直

謂竹影也謂竹間之日影耳以此驗之益信
僕之說爲然韓偓詩曰長松夜落釵千股此
語無病李涉詩曰疎林透明月散亂金光滴
此正退之竹影金鎖碎五代詩話晁公武
曰偓有君子之道四焉唐之末南北分崩而
忘其君偓雖崔允門生獨能棄家從上一也
其時搢紳無不交通內外以躡取爵祿偓獨
能力辭相位二也不肯草韋貽範起復麻三
也不肯致拜於朱溫四也詩曰風雨如晦鷄
鳴不已偓之謂矣而宋子京薄之奈何按
偓集唐藝文志一卷香奩集一卷宋志又有
入翰林集一卷別集三卷偓在閩所爲詩皆
手自寫成帙宋嘉祐間龐穎公爲漕從裔孫
奕取奏之奕因得官故較唐志爲多入翰林
集不滿二十篇別集自出官及寓閩詩具在
而及第前後諸作亦附焉若香奩集大槩未
登第前作也茲彙翰林集別集編年爲四卷
香奩集合別集中一二豔詞爲二卷附末而
畧譜其年于左俾讀者晰其出處之槩云昭
宗龍紀元年偓登進士前此懿宗咸通元年

至僖宗中和元年二十二年中僦有香奩集
自序云庚辰及辛丑作正兩元年歲干也天
復元年正月入翰林有召對及寓直等詩十
一月昭宗規遷鳳翔隨駕有隨駕詩三年正
月還京未幾忤全忠貶有二月二十二日赴
貶所途中詩次年甲子昭宗遷洛遇弒有八
月六日詩自後詩記歲干不稱年號用陶靖
節義例示不臣梁也甲子在湖南有夏五月
自長沙抵醴陵詩尋入袁州至撫州乙丑寓
撫州有聞復官不起詩丙寅寓撫州是秋至
福州主黃滔家見滔集跋丁卯寓福州有復
官不起召詩是歲唐亡有感事詩三十四韻
戊辰寓福州已巳寓汀州沙縣有窺鄭左丞
赴梁徵命及寄京洛親及令知病廢詩庚午
寓尤溪尋寓桃林場閩志桃林溪去南安二
十里或即其地幸未寓南安王申寓南安有
譏梁奉使即官笑余迂古詩癸酉寓南安有
此地三年曾寄家詩及氣疾初愈詩方輿勝
覽云僦卒鄭誠之爲
哀詞今墓在南安

幽獨

幽獨起侵晨山鶯啼更早門巷掩蕭條落花滿芳草
煙和魂共遠春與人同老默默又依依淒然此懷抱

雨中

青桐承雨聲聲聲何重疊疏滴下高枝次打欹低葉
鳥濕更梳翎人愁方拄頰獨自上西樓風襟寒帖帖

南亭

每日在南亭南亭似僧院人語靜先聞鳥啼深不見
松瘦石稜稜山光溪澱澱蔓墜長茸鳥花垂小萼
行簪隱士冠臥讀先賢傳更有興來時取琴彈一遍

乾甯三年丙辰在奉天重圍作

仗劍夜巡城衣襟滿霜霰賊火遍郊垌飛焰侵星漢
積雪似空江長林如斷岸獨凭女牆頭思家起長歎

出官經硤石縣

天復三年二月二十二日

謫宦過東畿所抵州名濮故里欲清明臨風堪慟哭

溪長柳似帷山暖花如醖逆旅訝簪裙

南路以久無
儒服經過皆

相聚野老悲陵谷暝鳥影連翩驚狐尾蠹遯尚得佐

方州信是皇恩沐

早起五言三韻

自注甲子
醴陵作

萬樹綠楊垂千般黃鳥語庭花風雨餘岑寂如村塢

依官渡頭晴陽照行旅

暴雨

庚午桃
林場作

電尾燒黑雲雨脚飛銀線急點濺池心微煙昏水面
氣涼氛浸消暑退松篁健叢蓼亞蘋茸擎荷翻綠扇
風期誰與同逸趣余探遍欲去更遲留胷中久交戰

火蛾

辛未南安縣作
此詩蓋有所指

陽光不照臨積陰生此類非無惜死心柰有賊明意
粉穿紅焰焦翅撲蘭膏沸爲爾一傷嗟自棄非天棄

雨

坐來簌簌山風急山雨隨風暗原隰樹帶繁聲出竹

聞溪將大點穿籬入餉婦寥翹布領塞牧童擁腫蓑
衣濕此時高味共誰論擁鼻吟詩空伫立

閒步

莊南縱步遊荒野獨鳥寒煙輕惹惹傍山疎雨濕秋
花僻路淺泉浮敗果樵人相聚指驚麀牧童四散收
嘶馬一壺傾盡未能歸黃昏更望諸鋒火

自撫州往南城縣舟行見拂水薔薇因有是作

丙寅三月
二十七日

江中春雨波浪肥石上野花枝葉瘦枝低波高如有
情浪去枝留如力闌綠刺紅房戰裏時吳娃越豔醺